

1920ին արեղայ կը ձեռնադրուի Ս. Էջմիածնի մէջ և կը կարգուի երաժիշտ Մայր տաճարի և դեղագործ Մայր Աթոռոյ. 1921ին օգն. լսպ.ի: Հայրապետական կոնդակով հոգեւոր հովիւ կ'ընտրուի Եթովպիոյ հայոց, և 1925 Փետր. 6ին կը ձեռնարկէ պաշտօնին և երեք տարի պաշտօնավարելէ յետոյ 1928ին կը հրաժարի և կը մեկնի:

1928 Փետր.ին Յովսէփ վրդ. Ատիւ-Ապապայէն կուգայ Երուսաղէմ և կ'այցելէ Ս. Տեղերը, կը հիւրընկալուի Ս. Յակոբի վանքը և Տն. Ժողովի հաւանութեամբ կը ծառայէ Ս. Տեղերուն:

ՅՈՎԱՍԷՓ ՎՐԴ. ԿԵՍՍՐԱՅԻ.— Մբ. Ն. Թօխատի. 1696ին կը յիշատակուի Մինաս Ամգեցիին Օրագրութեան մէջ:

ՅՈՎԱՍԷՓ ՎՐԴ. ԿԵՍՍՐԱՅԻ.— Մբ. Ն. Կեսարիոյ և Գաղատիոյ. յետոյ Առ. Թօխատի 1751ին. (Նալեան. էջ 250): Կը վախճանի 1770ին և կը թաղուի Պէյօղլուի ազգ. գերեզմանատան մէջ, Հոգեւոր տիրոջ շիրմին մօտ. իր տապանագիրն է հետեւեալը:

«Այս է տապան հանգստեան
Ի քաղաքն Կեսարացի ի գիւղէն
Նիշիացի՝ հանգուցեալ, գիւմ
պիւլ խալիֆայի որդի Յոհաննէս
եւ Օհաննէսի որդի Յովսէփ աստուածաբան արհիեպիսկոպոսին, Երուսաղէմայ Մշակ՝ հարազատ և երախտաւոր
նըվիրակ՝ եւ առաջնորդ ի քաղաքն
Թօխատու, թըվին ՌՄԺԹին» (1219+
551=1770) (Հա. 1929, էջ 412):

ՅՈՎԱՍԷՓ ՎՐԴ.— Մբ. կը վախճանի 1636ին, համաձայն տապանագիրին որ է հետեւեալը. «Այս է տապան Յովսէփ վարդապետին, հանգեաւ թվին ՌՁԵ (=1636) ամին»:

ՅՈՎԱՍԷՓ ՎՐԴ.— Մբ. աշկ. Եղիազար կթղ.ի Երուսաղէմի մէջ, ՓնԵ. (1659—1660). Ընդհ. Ն. Եղիազար կթղ.էն կարգուած մասնաւոր կոնդակով մը, (Նաւակաւի. անտիպ): Առ. Զմիւռնիոյ 1651ին. կը վերաշինէ 1681ին Զմիւռնիոյ եկեղեցին որ երկրաշարժէն խարխուրած էր. 1686ին կը մեկնի վենետիկ